




ხაშურის მთაშენი



№11 (192)

18 მარტი, ორშაბათი,

2019 წელი

2019 წლის 11 მარტი - ხაშურის სპორტის ისტორიაში ახალი ეპოქა დაიწყო

2019 წლის 11 მარტი - ეს თარიღი ჩვენი მუნიციპალიტეტის ისტორიაში მართლაც საპატიო ადგილს დაიკავებს. ჩვენი სპორტის ისტორიაში კი, თამამად შეიძლება ითქვას, ახალი ეპოქის დასაწყისად იქცევა. ის, რაზეც, გასული საუკუნის 20-იანი წლებიდან, თაობები ოცნებობდნენ, ასრულდა - ხაშურში



ამიერიდან ისეთი სასპორტო კომპლექსი იფუნქციონირებს, მტერს რომ თვალს მოჭრის და მოყვარეს გაახარებს. ხაშურის სპორტი კი ნამდვილად იმსახურებდა ასეთ კომპლექსს.

ვიდრე, უშუალოდ, აღნიშნული სასპორტო კომპლექსის გახსნის შესახებ ვისაუბრებთ, ჩვენს მკითხველს კიდევ ერთხელ გვინდა შევასახელოთ ისტორია, რომელიც ჩვენს სპორტს შეეხება და რომელიც სათავეს გასული საუკუნის დასაწყისიდან იღებს. ცნობილი ფაქტია, რომ მე-20 საუკუნის დასაწყისში, ხაშურში, დღევანდელი VII საჯარო სკოლის ტერიტორიაზე, შოტლანდიელთა გარნიზონი იდგა. სწორედ მათი ინიციატივით მოხდა და 1902 წელს, მათ გუნდსა და ხაშურელ ფეხბურთელებს შორის საფეხბურთო მატჩი გაიმართა. ეს მატჩი, არა მარტო ხაშურის, არამედ მთელი ქვეყნის მასშტაბითაა პირველი საერთაშორისო შეხვედრა. სამწუხაროდ, ბევრი კვლევისა და ძიების მიუხედავად, დოკუმენტი ამ მატჩის შესახებ არ მოიპოვება, თუმცა ამ წერილის ავტორი, 70-იან წლებში, პირადად შეხვედრია თვითმხილველებს და ჩანაწერებიც არსებობს. 20-იანი წლებიდან კი იწყება სპორტის სხვადასხვა სახეობების განვითარება. 1925 წელს ხაშურში და სურამში უკვე ფეხბურთის გუნდები არსებობენ. 30-იანი წლებიდან არის ტანვარჯიშის და მძლეოსნობის სექციები. დაიხ, საუკუნის ისტორია აქვს ჩვენს სპორტს და მიუხედავად იმ პირობებისა, რომელიც ძალიან შორს იყო თუნდაც ნორმალური პირობებისგან, მიღწევები ისეთი გვაქვს, რომ ვეროპის რომელიმე ქალაქს კი არა, ქვეყანასაც კი შეშურდ-



ება. წარმოდგინეთ, ჩვენ გვყავს ოლიმპიადის ვერცხლის პრიზიორი, მსოფლიო და ევროპის ჩემპიონები, მრავალი საერთაშორისო ტურნირის გამარჯვებულები. ყოფილი საკავშირო და სხვადასხვა სპორტული საზოგადოების ჩემპიონები კი ათეულობითაა. და ეს ხდება, ვეროპული მასშტაბით, ასეთ პატარა ქალაქში, როგორც ხაშურია. ზემოთ პირობები ვასხენე და ერთი ისტორია უნდა მოგიხსნათ: ჩვენი ლეგენდარული მოჭიდავე რამაზ ხარშილაძე იხსენებდა, საფრანგეთში ყოფილან და ლიონში ის დარბაზი დაუთვალა იერებიან, სადაც ძიუდოსტები ვარჯიშობდნენ. გადაირეოდი კაცი, ისეთი პირობები ჰქონდათო. შემდეგ, ერთ-ერთ მასპინძელს საუბარში უთქვამს, არაუშავს ამ დარბაზს, მაგრამ, დარწმუნებული ვარ, ალბათ, ახლოსაც ვერ მივა იმ დარბაზთან, სადაც თქვენ გაიზარდეთ და ასეთ შედეგებს მიადწიეთო. ახლა, იმისთვის რომ მეთქვა, - იცინოდა ბატონი, - რამაზი, რომ სოფელში, შუა მინდორში, ნახერხი ეყარა და იქ ვიზრდებოდი, როგორც მოჭიდავე, არც დაიჯერებდა, ამიტომაც თავი მოვიწონე და ვუთხარი: - კი, ჩვენი ოდნავ უკეთესიაო...

დავუბრუნდეთ სასპორტო კომპლექსს. მისი მშენებლობა ჯერ კიდევ 2012 წელს, ახალი ხელისუფლების მოსვლისას გაუღერდა. დღევანდელ მერს, ბატონ გიორგი გურასპაშვილს კი პირდაპირ საარჩევნო პროგრამაში ჰქონდა აღნიშნული. სიმართლე გითხრათ, ბევრი ასეთი პროგრამა მომისმენია, რომელიც შემდეგ პაერზე დარჩენილა და ვიტყვი სიმართლეს, მეც სკეპტიკურად ვიყავი განწყობილი ამ დაპირების მიმართ. თუმცა, მან პირობა შეასრულა და აგერ შედეგიც დადგა. ისიც ვიცით, რომ ამ შედეგამდე მას ურთულესი გზის გავლა მოუწია. არ დარჩენილა უწყება თუ სამინისტრო, სადაც მას ამ თემაზე არ



ჰქონდა საუბარი. ნელ-ნელა მოიპოვა მხარდაჭერა, რაც მთავარია, ფინანსების გამოყოფაც მოხერხდა. შედეგი კი მართლაც საოცარი მივიღეთ - ჩვენი ქვეყნის დიდ ქალაქებს თუ არ ჩავთვლით, ვეჭვობ, რომელიმე მუნიციპალიტეტს ასეთი სასპორტო კომპლექსი გააჩნდეს. მეტიც, ესაა, დღევანდელი ტერმინოლოგიით რომ ვთქვათ, წმინდა ვეროპული დონის კომპლექსი, რომლის ინფრასტრუქტურა მთლიანად პასუხობს უმაღლეს მოთხოვნებს. შესასვლელიდანვე იწყება „თვალის ხეიმი“. უღამაზესი ეზო, საფეხბურთო მოედანი და ჩოგბურთის კორტი პირველი „მასპინძლები“ არიან. უშუალოდ კომპლექსში კი, თუ გიდი, ან იქა-



ურობაში გარკვეული პიროვნება არ გახლავთ, პირდაპირ დაიკარგები. ერთ-მანეთს ენაცვლება დარბაზები, რომლებიც სპორტის სხვადასხვა სახეობებში სავარჯიშოდაა განკუთვნილი. აქვეა ფიტნესკლუბი, ორმოც კაცზე გათვლილი სასტუმრო, ადმინისტრაციის და მომსახურე პერსონალის კაბინეტ-ოთახები, ყველა სპორტსმენისთვის დამოუკიდებელი საშაპეები - მუდმივი თბილი წყლით და გათბობის იდეალური სისტემა. ამ ყველაფერს კი აგვირგვინებს ცენტრალ-

(დასასრული II გვერდზე)

ური დარბაზი, სადაც კალათბურთის ნებისმიერი რანგის ტურნირის ჩატარებაა (დასასრული)

შესაძლებელი.

რაც მთავარია, ბავშვები, რომლებიც სპორტის 12 სახეობაში დაოსტატდებიან, აქ სრულიად უფასოდ ივარჯიშებენ. მთლიან დაფინანსებას მერია უზრუნველყოფს, ასევე დაფინანსდება ბავშვების სხვადასხვა ტურნირებზე გასამგზავრებელი ხარჯებიც. დამერწმუნებით, რომ მართლაც დიდი მიღწევაა.

დღეისათვის ჩვენს სასპორტო სკოლაში 1500-მდე მოზარდია ჩაბმული სპორტის სხვადასხვა სახეობაში და მათ მშობლებს არ მოუწევთ იმაზე ფიქრი, თუ როგორ გამოიხატონ თანხები შვილების სპორტში ჩაბმისთვის. ამიტომაც გვინდა, მაგდობა ვუთხრათ ამ ყველაფრისთვის მუნიციპალიტეტის მერიას, შიდა ქართლის ადმინისტრაციას, ინფრასტრუქტურისა და რეგიონული განვითარების სამინისტროს, განათლების, მეცნიერების, კულტურისა და სპორტის სამინისტროს, მთლიანად ქვეყნის მთავრობას, რომელთა მხარდაჭერის თუ უშუალო ჩარევის გარეშე ეს პროექტი არ განხორციელდებოდა.



სასპორტო სკოლის გახსნა კი მართლაც უღამაზესი გამოვიდა. სხვადასხვა სამინისტროების წარმომადგენლები, ლეგენდარული სპორტსმენები, ოლიმპიური ჩემპიონები, მეზობელი მუნიციპალიტეტის ხელმძღვანელი პირები აღფრთოვანებას ვერ მაღავედნენ ამ პროექტით. მათ კი უერთდებოდნენ რიგითი ხაშურლები.

გეორგი გურასპაშვილი, მუნიციპალიტეტის მერი: ვულოცავ თითოეულ ხაშურელს ამ დღეს. ჩვენმა ქალაქმა, მისმა წარსულმა, სპორტსმენებმა თუ თითოეულმა ჩვენმა თანამოქალაქემ დაიმსახურა, რომ ასეთი სასპორტო კომპლექსი ჰქონოდათ. დიდი შრომა და ენერჯია დაეხარჯეთ, რომ ეს პროექტი განხორციელდებოდა და მიხარია, რომ ასეთი შედეგი მივიღეთ. კიდევ ერთხელ ვულოცავ ყველას...

გეორგი ხოჯევანიშვილი, შიდა ქართლის გუბერნატორი: წარმოუდგენლად ღამაზია ყველაფერი. ქვეყნის მთავრობისათვის უპირველესი პრიორიტეტია მუნიციპალიტეტების განვითარება. ეს კომპლექსი კი ამის ერთ-ერთი ნათელი დადასტურებ...

ბოლო არ უჩანდა მილოცვებს. ნაცნობები თუ სრულიად უცნობებიც ერთმანეთს ულოცავდნენ ამ დღეს და იმედს გამოთქვამდნენ, რომ ეს კომპლექსი სრულიად განსხვავებულ და ახალ სიღამაზეს შეიტანს ჩვენი ქალაქის ცხოვრებაში.

საზეიმო გახსნა კი თბილისის „დინამოს“ და ხაშურის ვეტერანი კალათბურთელების მატჩით დაგვირგვინდა, რომელიც მართლაც სანახაობრივი გამოდგა. მაშ ასე! კიდევ ერთხელ ჩავინიშნოთ ეს თარიღი: 2019 წლის 11 მარტი - ხაშურის სპორტის ისტორიაში ახალი ეპოქა დაიწყო!

ბაა...

- შალვა გოგოლაძე, განათლების, მეცნიერების, კულტურისა და სპორტის მინისტრის მოადგილე: - ჩემი თანამდებობრივი სპეციფიკიდან გამომდინარე, მე კარგად ვიცნობ თქვენი სპორტის ისტორიას, ვიცი ის მიღწევები, რომელიც თქვენს სპორტსმენებს აქვთ. ასეთ პირობებში კი, რასაც ახალი სასპორტო კომპლექსი გთავაზობთ, დრამა მწამს, უახლოეს წლებში, თქვენი სპორტსმენების მიღწევები გაორმაგდება. გილოცავთ!..

ილია ბეგიაშვილი: - ინფრასტრუქტურისა და რეგიონული განვითარების მინისტრის მოადგილე: - რა თქმა უნდა, გილოცავთ. ძალიან მაღალი დონის სასპორტო კომპლექსია. აქვე მინდა გითხრათ, რომ

2019 წლის 11 მარტი - ხაშურის სპორტის ისტორიაში ახალი ეპოქა დაიწყო



ამ მიმართულებით, ეს ბოლო პროექტი არ არის, რაც ხაშურში განხორციელდება. ინფრასტრუქტურისა და რეგიონული განვითარების სამინისტრო თქვენს ქალაქში და მუნიციპალიტეტში, მერიასთან ერთად, კიდევ ბევრ პროექტს განახორციელებს, უპირველესი კი „ივერიის“ სტადიონის მშენებლობა იქნება, რომელიც უახლოეს პერიოდში დაიწყება...




თენგიზ ოსაძე, ვეტერანი ფეხბურთელი: - ჩვენი თაობა და წინათაობებიც ოცნებობდნენ ასეთ კომპლექსზე. ასეთ პირობებში შეუძლებელია დიდი შედეგები არ მოვიდეს. მწამს, ამ კომპლექსის გახსნა, წინაპირობად იქცევა „ივერიის“ საფეხბურთო კლუბის აღორძინებისა.



გ. გოგოლაძე

შერეკილები

ებრაელთა ერთ-ერთი ლოცვა იწყება ასე: “ღმერთო, მომეცი უნარი გავარჩიო კეთილი ბოროტისაგან...” რჩეულთა ხვედრია ასეთი უნარის მინიჭება და იგი საწინდარია ბედნიერებისა და ისეთი საზოგადოების ჩამოყალიბებისა, სადაც არ იქნება შური, ბოღმა, ღალატი, მომხვეჭელობა, შიმშილი, ჩაგვრა, ძალმომრეობა, სადაც ყველა შეიგნებს, რომ დაუდგება დრო, როცა წინ კუბო წავა, უკან კი ქონება დარჩება და მხოლოდ იმას წაიღებს იმ ქვეყანაში, რაც დაბადებისას მოიტანა ამ ქვეყანაზე, რომ ყველაფერი, საკუთარი სხეულის გარდა, რაც ჩვენად მიგვანია, დროებითი სარგებლობისათვის არის ნათხოვარი ბუნებისგან და ისე შემოგვეცლება, როგორც შემოდგომაზე ხეს ფოთლები.



სამწუხაროდ, არიან ადამიანები, რომლებსაც შეუძლიათ საზოგადოებრივი ცხოვრების უკეთესობისკენ წარმართვა, მაგრამ თავის ენერჯიას სხვასთან კინკლაობაში ხარჯავენ, არ შეუძლიათ სხვისი აზრის გათვალისწინება და მხოლოდ საკუთარი აზრი გონივრულად ჭეშმარიტი. ასეთებს მე “შერეკილებს” ვუწოდებ.

“შერეკილები” არც ძალიან საღანძღავი სიტყვაა. ჩემი აზრით, ასეთი პიროვნებები ხან აქეთ უბრავენ და ხან – იქით, მათგან ყველაფერი მოსალოდნელი, ღალატიც და ერთგულებაც. ასეთი შერეკელები საკმაოდ მრავლად არიან ჩვენში და მთავარია მათი ძალის სათავისოდ გამოყენება.

შერეკილები ხშირად მონაწილეობდნენ სახელმწიფო, სამხედრო და სხვაგვარ გადატრიალებებში ისე, რომ შეიძლება შედეგის სარგებლიანობას ვერც აცნობიერებდნენ, მათთვის სულ ერთია რა მოხდება მომავალში. მაგალითისთვის მოვიყვან 1991 წლის დეკემბერ-1992 წლის იანვრის ტრაგიკულ დღეებს, როცა კანონიერად არჩეული პრეზიდენტის, ზვიად გამსახურდიას ძალისმიერად დამხობის ოპერაციები იგეგმებოდა და ტარდებოდა ქ. თბილისში.

მიუხედავად იმისა, პრეზიდენტი და მისი გარემოცვა რუსთაველის გამზირზე, მთავრობის სახლში იმყოფებოდნენ, შერეკილებმა დაანგრეს და გადაწვეს დედაქალაქის ცენტრალურ ნაწილში არსებული უამრავი შენობა-ნაგებობანი, მათ შორის: სამხატვრო გალერეა, სასტუმრო “თბილისი”, პირველი საშუალო სკოლა, კავშირგაბმულობის სამინისტრო, სახელმწიფო უშიშროების კომიტეტის შენობა, შს სამინისტროს ორივე კორპუსი, მაშინდელი კალინინის რაიონის მილიციის განყოფილება, ყოფილ ლენინის მოედანზე არსებული დაწესებულების შენობები, ყოფილი ამიერკავკასიის სამხედრო ოლქის შტაბის შენობები, მრავალი საცხოვრებელი კორპუსი და ვინ ჩამოთვლის, ირგვლივმდგარ დაზიანებულ შენობებს, მათ შორის იყო ეროვნული ბანკი და ა.შ.

ეს ყველაფერი ხდებოდა დემოკრატიის სახელით. კანონიერი პრეზიდენტის დამამხობელი და დედაქალაქის დამანგრეველები დღესაც ამაყად დააბიჯებენ საქართველოს მიწა-წყალზე.

შორს წაგვიყვანდა ამ მოვლენების პოლიტიკური და მატერიალური ზარალის შეფასება, თუმცა დღემდე არც არავის შეუფასებია, რის შედეგსაც ვიმკით. შერეკილებს ბლოკირებული ჰქონდათ მთავრობის სასახლე და ახლომხლო კვარტლები. მათ შეეძლოთ შეეწყვიტათ წყლის, ელექტროენერჯის და გაზის მიწოდება. ბუნეკრში საკვები პროდუქტების და თავდაცვის საშუალებების რეზერვი ამოუწურავი ხომ არ იქნებოდა. პრეზიდენტი მაინც დაამხეს, მაგრამ ამ მეთოდების გამოყენებით, დედაქალაქის გული გადაურჩებოდა განადგურებას, თუმცა, შერეკილებს ეს არც ადარდებდათ და არც ადარდებთ.

ვინ ჩამოთვლის შერეკილთა მიერ ჩადენილ დანაშაულებებს. შერეკილებს სხვა მნიშვნელობაც აქვს, მაგალითად: ბაკში შერეკილი ცხოველები, მინდორში საძოვრად გარეკილი ნახირი, დარბაზში ან თავშესაფარში ძალით შერეკილი ხალხი. ამ სიტყვას ხმარობენ სახელმწიფო დაწესებულებებში მომუშავე არაკომპეტენტური პირების შეფასებისას, როცა იქ შეღწევისა და თანამდებობის დაკავებისათვის იყენებენ პროტექციას, მოსყიდვას, ახლობლობას, პიროვნულ ურთიერთობებს და ა.შ.

ასეთ შერეკილების მოღვაწეობის შედეგია სახელმწიფოში მრავალი მოუგვარებელი საკითხის არსებობა.

მე მინდა რამდენიმე საკითხს შევეხო, რომლებშიც აშკარად ჩანს შერეკილთა შემოქმედების კვალი.

ჩემი პირადი დამოკიდებულების გამო, შერეკილთა რომელ მხარეს მიმაკუთვნებენ, ეს მკითხველისათვის მომინდვია.

მაშ ასე, დავიწყოთ სოციალური საკითხებით:

- დღეისათვის მოქმედი წესით თანატოლ პენსიას იღებს უსტაჟო, 10 და 50 წლის შრომითი სტაჟის მქონე მოქალაქენი, აკადემიკოსი და ნებისმიერი დარგის უმაღლესი რანგის თანამშრომელი.

კითხვა: მიიღეს და დაამტკიცეს თუ არა ასეთი წესი შერეკილებმა?

- სახელმწიფო დაწესებულებებში მოღვაწე პერსონალი წელიწადში რამდენჯერმე იღებს პრემიას, ხომ შეიძლება წელიწადში ერთჯერ პენსიონერსაც მიეცეს ერთი თვის, ე.წ მე-13 პენსია?

კითხვა: ამით დაიღუპება ქვეყანა?

- სახელმწიფო ღებულობს ზომებს უმწველთა დახმარებისათვის. ამის ერთ-ერთი დასტურია მათთვის უფასო სასადილოების გახსნა.

კვებისათვის გამოიყოფა დღეში ერთი ლარი და დაახლოებით 20 თეთრი. მას უნდა დაემატოს შემდეგი სახის ხარჯები: შენობის შენახვა, დენის და გაზის გადასახადი, გათბობის ხარჯები, მზარეულის, დამლაგებლის, ბუღალტრის, სასადილოს მომმარაგებლის, დირექტორის, საჭირო ტრანსპორტის, კავშირგაბმულობის, ინვენტარის და სხვა გაუთვალისწინებელი ხარჯები. სიზუსტის პრეტენზია არ გამაჩნია, მაგრამ ერთი ბენეფიციარის შენახვა დღეში ალბათ ორი ლარი ჯდება. კითხვა: იმის გათვალისწინებით, რომ ბენეფიციარები თავისი ფეხით დადიან სასადილოებში, ხომ არ აჯობებდა, მათთვის ხელზე მიეცათ დღეში ორი ლარი და ლუფხის ნაცვლად, ისინი ხანდახან ხილსაც შეჭამდნენ.

- სადღეგრძელოებით ერი არ გამრავლდება, დემოგრაფიული მდგომარეობის გამოსწორების მიზნით, მიზანშეწონილი იქნება:

- ყოველი ხუთი და მეტწილიანი ოჯახის სახელმწიფომ უზრუნველყოს ქალაქში საცხოვრებელი ბინით, სოფლებს კი შეუძინონ საცხოვრებელი ფართი.

- ყოველ ახალდაქორწინებულ წყვილს, რომლებიც პირველად ქმნიან ოჯახს, სახელმწიფომ გამოუყოს ქალაქში ერთოთახიანი ბინა 20 წლის განმავლობაში მისი საფასურის გადახდის გარანტიით, სოფელში მაცხოვრებლებს უფასოდ გამოუყოს სახლის ასაშენებლად საჭირო სამშენებლო მასალა, ხოლო თუ ასეთს არ საჭიროებს, დადგინდეს და გადაეცეს წახალისების სახით, თანხის გარკვეული რაოდენობა.

- ქადაგებენ, რომ დედაქალაქიდან მამა-პაპულ სოფლებში დაბრუნდეს მოსახლეობა.

კითხვა:

ა) რამდენი ოჯახი უნდა დაბრუნდეს უკაცრიელ სოფელში, რომ აშენდეს და დაკომპლექტდეს სკოლა, სპორტული ნაგებობები, სამედიცინო პუნქტი, კულტურული დაწესებულებები, გაიყვანონ გზა, ელექტროენერჯია, გაზი, წყალმომარაგება და ა.შ.

ბ) სოფლებიდან ხომ ძირითადად ქართველი მოსახლეობაა წასული, მათი უკან დაბრუნების შემთხვევაში, ვის დაუტოვოთ დედაქალაქი, მიგრანტებს და უცხო თესლის ხალხს?

* თურმე არის შემთხვევები, როცა სოციალურად დაუცველი ოჯახის წევრის გარდაცვალებისას, ოჯახს უხსნიან დახმარებას.

კითხვა: ასეთი ნაბიჯით, ოჯახს ხომ უფრო უმძიმებენ მდგომარეობას. ხომ არ აჯობებდა, ჭირისუფლისთვის აღმოეჩინათ მატერიალური დახმარება და მიცვალებულის დაკრძალვა მომხდარიყო სახელმწიფოს ხარჯზე.

* სახელმწიფოში ბევრი რამაა დასარეგულირებელი. ქვეყანაში ყველაფერი თითქოს ხმათა უმრავლესობით წყდება, რასაც მე არ ვეთანხმები, რადგანაც მიმაჩნია, რომ საკითხი პროფესიონალებმა უნდა გადაწყვიტონ და არა საქმეში ჩაუხედავმა უმრავლესობამ-მომღერალს მშენებელი არ უნდა აფასებდეს და პირიქით.

კითხვა: საკითხი, რომელიც ათმა აკადემიკოსმა შეიმუშავა, კენჭისყრა-



ზე რომ გაიტანონ, ჩავარდება თუ არა იმ პროექტთან შეჯიბრში, რომელიც შეიმუშავა ასმა არაპროფესიონალმა? კონკურსში ასი ხმიდან 90 ხმით გაიმარჯვებს არაპროფესიონალთა ვარიანტი. ესეც შენი უმრავლესობა. უნდა გაიმარჯვოს უკეთესმა და არა უმრავლესობამ.

* რომელ წესრიგზე გინდა ილაპარაკო იმ ქვეყანაში, სადაც გავლენიანი უმრავლესობა წყვეტს, რომ არ დაისაჯონ დამნაშავენი?

კითხვა: დამნაშავეთა დაუსჯელობა საფუძველს უმაგრებს თუ ურყევს საზოგადოების სამართლებრივ განვითარებას?

* ხმათა დათვლა-გადმოთვლამ და გადატან-გადმოტანამ გადაგვყარა იმ უბედურებას, რაც მოგვიტანა რუსეთთან ომმა. მხოლოდ შერეკილებს შეიძლებოდა მოსვლოდა აზრად იმ ქვეყანასთან საომარი დაპირისპირება, რომელსაც ჰყავს 800 000 ჯარისკაცი, აქვს 3 800 თვითმფრინავი და ვერტმფრენი, 20 000 ტანკი და ჯავშანმანქანა, 352 სამხედრო საზღვაო

(დასასრული)

ხომალდი, ოფიციალურად 45 მილიარდი აშშ დოლარიანი სამხედრო ბიუჯეტი. არავინ იცის, რამდენი ატომური ბომბი და ქობინაა მის არსენალში, ეს მაშინ, როცა საქართველოს შეიარაღებულ ძალებში დამლაგებლიდან მინისტრამდე ირიცხება 20 000 კაცი, მათგან ნახევარი საზღვარგარეთაა, ნახევარი კი კაბინეტში ზის.

კითხვა: ა) ასეთი სამხედრო ძალის მქონე ქვეყანას, უნდა ელაპარაკო თუ სხვისი იმედით უნდა უჩინხინო? პეტრეს მოსვლამდე რომ პავლეს ტყავი გააძრეს, ხომ არავის ავიწყდება? ანდა, მოვა კი პეტრე და შენი გულისათვის შეეჭიდება ურჩხულს? ქალაქზე დაწერილი აღწერილობა-შეწოდების სიტყვები გვიშველის?

ბ) ავგისტოს ომში რომ რუსეთს მოენდომებინა და თბილისის ასაღებად დაძრულიყო, რა ძალებით შეძლებდა საქართველო მის შენერებას? წარმოუდგენიათ თუ არა შერეკილებს, რა უბედურებას მოუტანდა ეს ნაბიჯი ქართველ ხალხს და მის სახელმწიფოებრიობას?

არ მინდა საგაზეთო წერილი დიდგანისანი გამოვიდეს, მაგრამ ისიც არ მინდა, შერეკილების თემას რამდენჯერმე დაეუბრუნდე, ამიტომაც ძალიან მოკლედ მოგახსენებ ჩემს დამოკიდებულებას სასკოლო განათლებასთან დაკავშირებითაც.

* მიუღებლად მიმაჩნია განათლების მინისტრების ხშირი ცვლა, ერთი ვერ ასწრებს რეფორმის დასრულებას და მეორე დგას უკვე რიგში რეფორმების ახალი პროექტებით, თან არაგანათლების დარგის სპეციალისტები, არამედ სანტექნიკები და ა.შ. რომლებიც ერთი-მეორეს ეჯობებიან ბოლომდე გაუაზრებელი სიახლეების დანერგვაში.

თქვენ თვითონ შეაფასეთ განათლების მინისტრები, რომელთაგანაც ზოგი დედა ენას ებრძვის, ზოგი ქართულ ზღაპრებს, ზოგი ვაშლებს გვთავაზობს და ა.შ.

* მიუღებლად მიმაჩნია 12 კლასიანი სწავლება, ერთი ვინმე მაინც შემახსენეთ, ჩვენი საქვეყნოდ ცნობილი მეცნიერებიდან, რომელმაც 12 წელი ისწავლა სკოლაში.

* ახლა სჯა-ბაასი მიმდინარეობს იმაზე, არის თუ არა გამოცდების მოხსნა სწორი ნაბიჯი.

ჩემი აზრით, მასწავლებლებმა ძალიან კარგად იციან, რას წარმოადგენენ მისი მოსწავლეები მთელი სასწავლო წლის განმავლობაში და ამიტომაც მათთვის არ უნდა ჰქონდეს მნიშვნელობა, ვინ როგორ გასცემს პასუხს ბილეთში დასმულ კითხვას. საგამოცდო ბილეთები ხომ ისეთი ლატარიაა, როცა საუკეთესო მოსწავლეს შეიძლება შეხვდეს საკითხი, რომელიც მან საუკეთესოდ იცის, სხვა საკითხებზე კი წარმოდგენაც არ აქვს. აქედან გამომდინარე, კარგი მოსწავლე უჩვენებს ცუდ შედეგს, ცუდი კი - კარგს. ესეც შენი გამოცდები, ვისაც სწავლის გაგრძელება უნდა, მისი ცოდნის ხარისხი უმაღლეს სასწავლებელში მისაღებ გამოცდაზე გამოჩნდება, ხოლო ვისაც სწავლა არ უნდა, მისთ-

შერეკილები

ვის სულერთია, როგორი შედეგებით დაამთავრებს თორმეტ კლასს.

* ჩემში შეძრწუნებას იწვევს სასკოლო პროგრამებში სექსოლოგიის სწავლების საკითხი. რატომ უნდა ისწავლოს პატარა ბავშვმა ის, რასაც მოწიფულობაში ბუნება თვითონ ასწავლის?

კითხვა: ა) სად სწავლობენ ცხოველები და ფრინველები გამრავლების თეორიებს?

ბ) ქვეყნისათვის რომელი უფრო სასარგებლოა, ის, რომ ბებიანქმმა წერა-კითხვაც არ იცოდა ხეირიანად, მაგრამ 8 შვილი გაუზარდა სამშობლოს, თუ სექსოლოგიის თეორიის კურსნასწავლი გოგონა, რომელიც ერთ შვილს გაუზრდის სამშობლოს და ამით წირავს ქვეყნის მომავალს გადაშენებისათვის და უცხო თესლის მომრავლებისათვის. ასე უმზადებენ მიგრანტებს ქართულ მიწა-წყალს.

* არ შეიძლება ყველა ნოვატორულ წინადადებაზე თავის ქნევით დათანხმება. ახლა შერეკილები ალაპარაკდნენ მოსწავლეების მუზეუმებში დამით სწავლებაზე.

კითხვა: ა) ვინ, სად და როდის დაადგინა, რომ დამით სწავლება უფრო ეფექტიანია, ვიდრე დღე?

ბ) ვინ, სად და როდის შეისწავლა, თუ რა უარყოფით შედეგს იძლევა მოზარდებისთვის დამის თევეები?

გ) არიან თუ არა მუზეუმის თანამშრომლები მზად დამის საათებში მუშაობისა და ანაზღაურებისთვის.

დ) ვინ, სად და როდის მოისმინა მშობელთა აზრი მათში შვილების დამის გაკვეთილებზე სიარულის მიზანშეწონილობის შესახებ?

ე) თუ მოსწავლეები დღის განმავლობაში სასწავლო პროცესში იმყოფებიან დაახლოებით ექვსი საათის განმავლობაში, რამდენი საათი უნდა დაყონ მათ დამე მუზეუმებში და როგორ გამოიყენონ დანარჩენი დრო?

ვ) გაითვალისწინა თუ არა ვინმემ, თუ რა სირთულეებს წააწყდებიან სოფლად მცხოვრები მოსწავლეები დამის სკოლა-მუზეუმში მეცადინეობაზე დასწრების საქმეში ან ხომ არ ფიქრობენ შერეკილები სხვადასხვა პროგრამა შეიმუშაონ სოფლის, ქალაქის, დელის გაღმა და დელის გამოღმა სკოლებისათვის და შეადგინონ სხვადასხვა კითხვები, ასეთებისთვის უმაღლეს სასწავლებლებში მისაღები გამოცდებისთვის.

* კითხვა: აპირებს თუ არა განათლების სამინისტრო სასწავლო პროგრამაში შეიტანოს რელიგიის ისეთი საკითხები, რომლებიც აკეთილშობილებენ ადამიანთა ცნობიერებას?

დასკვნა: თუ ყველა უწყებაში შერეკილები მომრავლდებიან, ქვეყანა გადავარდება და დაიღუპება. ეს რომ არ მოხდეს, სადი აზრის ხელმძღვანელებმა უნდა გააჩინონ კეთილი ბოროტისაგან და გარეკონ შერეკილები გავლენიანი სფეროებიდან.

რევაზ გრიგალაშვილი

„ბრიყვი მიუშვი ნებას“..

სუსტი ნებისყოფის მეფეთა უმეტესობას ფავორიტები ჰყავდათ. ძირითადად, სახელმწიფოს ისინი განაგებდნენ და უარყოფითი გავლენით ღუპავდნენ მეფეებსაც და ქვეყანასაც. უამრავი მაგალითის მოყვანა შეიძლება უახლესი თუ წარსული ისტორიიდან. ინგლისის მეფე, ჩარლზ პირველი, ფავორიტმა მიიყვანა ეშაფოტამდე. საფრანგეთის მეფეს, ლუი XVI-ის ცხოვრებაში დამღუპველი როლი ითამაშა მისმა საყვარელმა მარკიზა პომპადურმა...

იშვიათად, ფავორიტად, განათლებული ადამიანებიც იყვნენ, თუნდაც რიშელიე რად ღირს?! საფრანგეთის დედოფალს მარია ანტუანეტასაც ჰყავდა ასეთი ფავორიტი: ერთგული, გულისხმიერი და ინტელექტუალური ქალბატონი - მარი- ჟანა როლანი, რომელიც დადებით როლს თამაშობდა დედოფლის ცხოვრებაში. იმდენად ერთგული იყო დედოფლის, რომ გილიოტინაზე ავიდა მასთან ერთად. აქ შესძახა მან ცნობილი სიტყვები: „ჰე, თავისუფლება, რამდენი უსამართლობა ხდება შენი სახელით“. მასვე ეკუთვნის საინტერესო ნათქვამი ბრიყვების შესახებ: „არაფერი არ არის იმაზე ცუდი, საქმე გქონდეს ბრიყვთან. ერთადერთი საშუალება მისი თოკით დაბმაა. სხვა ყველა მეთოდი მის წინააღმდეგ უსარგებლოა“.

ტრაგიკული ქალბატონის ეს სიტყვები გამახსენდა ყოფილი პრეზიდენტის, საზღვარგარეთ ემიგრაციაში მყოფ ქართველებთან შეხვედრას რომ ვუცქერდი, ბელგიის ქალაქ ლიეჟიდან. გამოაცხადე მისმა მყვირალა ფრაზებმა: „ან - საქართველო, ან - არაფერი“ თითქოს ეს ქვეყანა ლატარიაში მოეგოს. „იქით არის ტყუილი, აქეთ სიმართლე“. ამას ამბობს ტყუილების დიდოსტატი.

თანაც როგორ გვიქონავდა თავს. „საქართველო 4 ცივილიზაციის ქვეყანაა“ უნდა „ვიამაყოთ დავით აღმაშენებლით“, რომ ჩვენ ვართ უზარმაზარი ტალანტების ქვეყანა“. უახლოეს კვირებში, თურმე, სიტუაცია შეიცვლება, ჩამობრძანდებიან. ბრიყვული მოღვაწეობით უკრაინაში რომ შეირცხვინა თავი, ისევ საქართველოსკენ მობრუნდა.

ცნობილია, რომ „ადამიანთა უმეტესობას თავის გამოჩენის სურვილი აქვს“ (შექსპირი) - ამას თუ დაუვმატებთ იმას, რომ ზოგიერთ ბრიყვს ავადმყოფური ამბიცია აქვს (ეს ეხება, პირველ რიგში, ყოფილ პრეზიდენტს). დავინახავთ, რომ მის ბრიყვულ თავმოყვარეობას საზღვარი არ აქვს. თურმე, ის ყველასაგან გამორჩეულია და ხმამაღლა გაჰკივის „მე ყველაფერი ვიცი“-ო. წარმოვიდგენიათ სოკრატემ არაფერი იცოდა და ჩვენი კალთიდან აფრენილმა ბრიყვმა ყველაფერი იცის.

დავუშვათ, ვაპატიეთ მის მიერ დაშვებული შეცდომა, მაგრამ როგორ უნდა ვაპატიოთ კონსტიტუციაში რომ ცვლილებები შეიტანა თავის თავზე, რომ მოირგო და პრემიერობას აპირებდა? თითქოს პუტინს ებრძოდა და მის გზას დაადგა? - ანალოგიური მცდელობა სომხეთის პრეზიდენტის, ხომ სრული კრახით დამთავრდა. სომხებმა არ აპატიეს და ჩვენ, რატომ უნდა შევუნდოთ? განა იმიტომ რომ ბრიყვია?

ჩემი აზრით, ბრიყვის შეცდომები ძალიან მძიმეა და ძნელად გასათავლისწინებელი. ამიტომ არის საშიში. ბრიყვი ერთგვაროვანი და

უცვლელია. არ ვითარდება არ იბრძვის. ერთი და იგივე შტამპებით ფიქრობს და აზროვნებს. ვერ ხვდება, რომ მისი შეხედულებები საშინლად მოძველდა და დაუინებით აწვევა რქებით ცხოვრებას, წარსულის მეთოდებით. რას ვიზამთ, ამგვარია ჩვენი მიშკაც. ასეთია მისი ბუნება, ამაზე გაჯავრება იგივეა, რომ გაბრაზდეს ქვა ძირს რატომ ვარდებაო.

მე მგონი, არ ღირს მის ბრიყვულ ქცევებზე გაჯავრება. დაე, ირბინოს ევროპაში რამდენიც უნდა. მიგრანტებიც მიხვდებიან, ვისთან აქვთ



საქმე და რადგანაც თოკით ვერ დავაბამთ - „მიუშვათ ბრიყვი ნებას და თვით შეეყრება ცნებასა“

დაბოლოს, რომში მისმა შეხვედრამ აჩვენა, რომ მის ავადმყოფურ ამბიციებს საზღვარი არ აქვს. აქვე უნდა ითქვას, რომ მისი მომხრენი, მისი მყვირალა ფრაზების მოსახსენად შეკრებილნი, ძალიან ცოტანი იყვნენ და უმეტესად ქალები (ოხ, ეს ქალები). ასეთებს კარტ-ბლანში უნდა მივცეთ. დაე, ირბინოს, იცელქოს, უსაქციელოდ მოიქცეს (ბრიყვი-უსაქციელო-საბა) მას ხომ სხვანაირად არ შეუძლია.

კლიმენტი სუთიაშვილი.



მიუღოცეს ქალთა საერთაშორისო დღე

მუნიციპალიტეტის მერიის წარმომადგენლებმა, 8 მარტი - ქალთა საერთაშორისო დღე, ხაშურის სამედიცინო ცენტრებში დასაქმებულ ქალბატონებს ტკბილეულით და ყვავილებით მიუღოცეს.

მუნიციპალიტეტის მერმა - გიორგი გურასპაშვილმა ქალბატონებს ბედნიერება, წარმატება უსურვა და საზოგადოებაში ქალის როლის უდიდეს მნიშვნელობაზე ისაუბრა.

ღონისძიება მერიის განათლების, კულტურის და სპორტის სამსახურის მიერ იყო ორგანიზებული.

მუნიციპალიტეტის თანამშრომლების მხრიდან, სხვადასხვა პროფესიის ქალბატონებისთვის 8 მარტის მილოცვა, ტრადიციულ ხასიათს ატარებს და მათ წახალისებას ემსახურება.

ამჯერად კი მერიის თანამშრომლები მერაბ მათიაშვილის სახელობის ხაშურის ცენტრალური კლინიკისა და „გორიმედის“ ქსელის ხაშურის კლინიკური საავადმყოფოს სტუმრები იყვნენ.

კლასიკური მუსიკის საღამო

ხაშურის სამუსიკო სკოლის საკონცერტო დარბაზში კლასიკური მუსიკის საღამო გაიმართა.

ღონისძიებაში მონაწილეობდნენ თბილისის სიმფონიური ორკესტრი, დირიჟორ რევაზ ჯავახიშვილის ხელმძღვანელობით და ხაშურის სამუსიკო სკოლის მოსწავლეები.

საღამოს ორგანიზატორები იყვნენ ფატი სადალაშვილი და გოდერძი გარაყანიძე.

საღამოს უძღვებოდა ხელოვნებათმცოდნე ინგა ხრიკაძე. მან კონცერტის დასასრულს მადლობა გადაუხადა ხაშურის მუნიციპალიტეტის მერიას, საპარლამენტო ბიუროს და სამუსიკო სკოლის დირექტორს ლალი რუხაძეს, ღონისძიების მხარდაჭერისა და თანადგომისთვის.



რკინიგზელ ქალბატონებს 8 მარტი მიუღოცეს

თამამად შეიძლება ითქვას, რომ ჩვენს ქვეყანაში, უწყებრივ პროფკავშირთა შორის, რკინიგზის პროფკავშირი (თავმჯდომარე გელა გელაშვილი), ერთ-ერთი ყველაზე წარმატებული ორგანიზაციაა. რკინიგზელთა თანადგომა, როგორც შორაღური, ასევე მატერიალური, მათი უპირველესი მოვალეობა და შეუქცევადი პროცესია. ამას თითოეული რკინიგზელი გრძნობს და აფასებს.

8 მარტს, ქალთა საერთაშორისო დღეს, პროფკავშირის უშუალო მონაწილეობით, საქართველოს რკინიგზაში მომუშავე თითოეულმა ქალბატონმა მიიღო მილოცვა. მათვე საჩუქრებიც გადაეცათ. ბუნებრივია, ამ პროცესს არც ხაშურის კვანძის პროფკავშირის წარმომადგენლები გამოკლებიან და მათაც საჩუქრები გადასცეს რკინიგზელ ქალბატონებს.

პროფესიული ინტერესების დაცვის გარდა, ჩვენს პროფკავშირს არასოდეს ავიწყდება მსგავსი დღესასწაულები და ყოველთვის სიურპრიზს გვიწყობენ. ასე იყო 8 მარტსაც და მადლობა მათ ამისთვის, - აღნიშნეს ქალბატონებმა.



გამახჯვება მუსიკალური ფესტივალიზე

ამ დღეებში, მცხეთაში, „არტ ჯგუფის“ ორგანიზებით, გაიმართა რესპუბლიკური ფესტივალი „გაზაფხულის ყვავილები“, რომელშიც მონაწილეობდა ხაშურის მუსიკალურ-თეატრალური სტუდიის „ჯადოსნური ქალაქი“ აღსაზრდელები (ხელმძღვანელი ხათუნა დვალიძე). ჩვენი ბავშვები მართლაც ღირსეულად წარსდგნენ მაყურებლისა და ჟიურის წინაშე და როგორც საუკეთესოებმა, მოიპოვეს უფლება მაისისა და ივნისის თვეში, სომხეთსა და აზერბაიჯანში, კონკურს-ფესტივალში მიიღონ მონაწილეობა.



ულოცავთ ამ ბავშვებს და მათ ხელმძღვანელს ამ წარმატებას და იმედი გვაქვს, მეზობელი ქვეყნების ფესტივალებიდანაც ასევე გამარჯვებულები დაგვიბრუნდებიან.

აქცია - „ყოჩივარდები გაყოფი ხაზიდან“

ქალთა საერთაშორისო დღესთან დაკავშირებით, ქალთა საინფორმაციო ცენტრმა გამართა აქცია „ყოჩივარდები გაყოფი ხაზიდან“. აქცია მიზნად ისახავდა საზოგადოების ყურადღების მიქცევას, ხაშურის მხრცხლტეშ მდებარე, საოკუპაციო ხაზიდან 100 მეტრში განლაგებულ, სოფელ ჩორჩანას მოსახლეობის, განსაკუთრებით



კი ქალების საჭიროებებზე.

აქციის დაგეგმვამდე, ქალთა საინფორმაციო ცენტრის წარმომადგენლები კოალიციური პროექტის „ქალები და გოგონები ძლიერი საზოგადოებისთვის“ ფარგლებში, ეწვივნენ სოფელ ჩორჩანას და ადგილობრივებს შეხვდნენ.

შეხვედრის შედეგად გაირკვა, რომ სოფლის მოსახლეობას უამრავი პრობლემა აქვს, მათ შორის წყლის, ინფრასტრუქტურის, გზის, ტრანსპორტის, მობილური კავშირისა და ამბულატორიის. მოსახლეობისთვის ტყე და მინდვრები ერთ-ერთი საარსებო წყაროა, თუმცა არც ისე დიდი ხნის წინ რუსმა ოკუპანტებმა ხეებზე ტყეში ყვითელი ნიშნულები გააკეთეს, რაც იმას ნიშნავს, რომ სავარაუდოდ მალე აქ ახალ საოკუპაციო ხაზს გააგებენ ან მავთულხლართებს გაჭიმავენ. ამ ტერიტორიებზე ადგილობრივი ქალები ყოჩივარდებს აგროვებენ და შემდგომ 3-8 მარტს ხაშურში გასაყიდად მიაქვთ. ამისათვის ქალებს უამრავი წინააღმდეგობის გადალახვა უწევთ. ახლა კი, განვითარებული პროცესების გათვალისწინებით, ყვავილების მოგროვება მათთვის ასევე უსაფრთხოების საშიშროებას წარმოადგენს.

ქალთა საერთაშორისო დღესთან დაკავშირებით და კამპანიის „ყოჩივარდები გაყოფი ხაზიდან“ ფარგლებში, რომელიც დაფინანსებულია აშშ სახელმწიფო დეპარტამენტის და გაეროს ქალთა ორგანიზაციის მიერ, ქალთა საინფორმაციო ცენტრის წარმომადგენლები ჩორჩანას მოსახლეობას ადგილზე შეხვდნენ და სპეციალური საჩუქრები გადასცეს.

ა(ა)იპ ხაშურის მუნიციპალიტეტის გაზეთი „ხაშურის მოამბე“. დირექტორი გიორგი გოგალაძე, მისამართი: ხაშური, ტაბიძის ქუჩა №2. ტელეფონი: 24 30 27. E-mail Khashurismoambe2015@gmail.com მიმღების დასახელება: ხაზინის ერთიანი ანგარიში, საიდენტიფიკაციო კოდი 443860984, სახელმწიფო ხაზინა TRESGE22, სახაზინო კოდი: 749547499. **Ⓐ-ით მონიშნული სტატია იბეჭდება დაკვეთით გაზეთი იბეჭდება თბილისში. რედაქტორი რობერტ სუსიაშვილი.**